

27. marts 2019

UPA2019/210

Suliniutini angisuuni illuliortiternernik sanaartornernillu suliassat pillugit Inatsisartut inatsisaata Allannngortinnissaa pillugu Inatsisartut inatsisaat nr. Xx, xx.xx 2019 –meersoq pillugu Siumumiit oqaatigiumasagut:

Inatsit 2012-mi suliarineqarami annertuupilorujussuarmik innuttaasut qinikkallu akornanni sammineqarpoq suliarineqarlunilu.

Ukioq 2012-imi ataatsimiititaliami suliarineqareernimi kingorna aningaasaliissutit killissaattut siunersuutigineqarsimasoq 1 mia. Kr.-iniit 5 mia.kruuninut qaffarneqarsimavoq ilaatigut aningaasaleerusuttut amerlisarniarlugit.

Siumumiillu maluginiarparput tamanna nunatsinni aningaasaleerusuttut amerlanerulernerannik kinguneqarsimangitsoq.

Tunngavilersuutittaaq ilagaat taamanikkut aningaasaqarneq pitsaasutut isigineqanngimmat naatsorsuutigineqarlunilu ukiuni tulluittuni nunatta aningaasatigut ingerlanissaata ajornerulernissaa naatsorsuutigineqarmat.

Tamanna assigiinngitsunik isummorsorfineqarsimavoq, taakkulu annertunerusumik eqqaassanngilagut.

Inatsimmi allannguutissatut siunnersuutit Siumumiit tunngaviatigut isumaqatigaagut. Uani inatsimmi aningaasaliissutit 5 mia.-kruuniniit 1 mia.kruuninut appartinnissaat aammalu kiffartuussinerit nerisassallernernut eqqiaanernut angallassinernut assigisaannullu tunngassuteqartut isumaqatigaagut.

Taamaattumik pingaaruteqarpoq ataatsimiititaliami sukumiisumik suliarineqarnissaa aammalu Siumumiit tusarniaanermi oqaatigineqarsimasut maluginiaqqussallugit.

Taamatut oqaaseqarluta suliassap ataatsimiititaliami sukumiisumik suliarineqarnis-saa innersuussutigaarput.

Hermann Berthelsen Siumut.